

Sawvah Minzcuz Youh Dem Buek Ligliengh Moq

Ndwen 5 ngoenz 17, Gvangjsih Minzcuz Dayoz Vwnzyozen Cungh-goz saujsu minzcuz yijyenz vwnzyoz conhyez sozsw bizyez lunvwnz dazbenvei youq ndaw hagdangz gawjhengz. Gij lunvwnz gyoengq yenzgiuswngh cujyau nangq daengz Sawcuengh、Vahcuengh、Sawndip daengj, neiyungz haemq fungfouq. Youq gwnzhoih, seiq boux sozsw yenzgiuswngh nyinhcaen dingq lauxhangz bingzveij daezcam, yienz-haeuh ciengzsaecq hoizdap mizgven vwndiz, doeklaeng cienzbouh doeng-gvaq liux lunvwnz dazben, aeu-ndaej sozsw yozvei. Daj neix hwnj, Guengjsae raeuz hong sawvah minzcuz youh demlai le buek ligliengh moq ndeu.

(Cinz Siengzcouh raiz Danz Yajusuh ingj)



▲Dazbenvei yienhciengz.



▲Bingzveij、cijdauj lauxsae caeuq yenzgiuswngh hab'ingj.



▲Beixnuengx Duncuz diuqfoux angqhoh laeuzgyong guhbaenz.

Sanhgyangh: Gij Laex Angq-hoh Laeuzgyong Baij Fungcingz

Ndwen 5 ngoenz 25, Sanhgyangh Duncuz Swciyen Bazgyangh Cin Sanhdonz Cunh banh aen hozdung gij laex angqhoh laeuzgyong, vunzlai dangdieg yungh dohyeh、ngaizhumx、yienjheiq daengj cezmuiz lai yiengh, caeuq bouxhek Huznanz Guengjsae song sengj gih caezangq, caez angqhoh laeuzgyong Mbanjdung guhbaenz, caez baij gij yinxdaeuz vwnzva laeuzgyong Mbanjdung.

Laeuzgyong moq Sanhdonz ciemq najdieg 57 bingzfanghmij, laeuz sang 18 mij, dwg yiengh dap dingjsoem gouj yiemh seiqfueng, bi 2019 ndwen 2 ngoenz 26 haihong, ndwen 4 ngoenz 18 sathong, yungh 52 ngoenz guh, sai bae 40 fanh maenz.

Laeuzgyong dwg gij geiqhauh yiengh ranz youqgaenj aenmbanj Duncuz, dwg dieg hozdung Mbanjdung doxcomz、yaeng saeh、guh'angq, ndaej vunz Mbanjdung haenh baenz "mbei mbanj" "hoenz mbanj".

(Gungh Bujgangh/龚普康)

Lungzswng:

“Donqngaiz Mbouj Aeu Cienz” Bangrengz Gyauyuz Banggungz

Ndwen 5 ngoenz 23, youq Lungzswng Gak Cuz Swciyen Sanhmwnz Cin Sanhmwnz Siujyoz, hagseng cingq gwn “donqngaiz mbouj aeu cienz”. Daj bi 2014 hainduj, Lungzswng hainduj gij dajveh gajndei yingzyangj hagseng yivu gyauyuz lajmbanj, gunhawj gwn haeux boujdiep hawj hagseng duenh yivu gyauyuz dieg lajmbanj, moix boux ngoenz 4 maenz.

Geij bi neix daej, Lungzswng yungh gij leixniemh vut gungz “dungxcaiz ceiq-heiq sueng bang”, doiok baenzdauq gyauyuz banggungz cwngeuz, haenqrengz hwngfat gyauyuz saehnieb, cienjbienq gij gvanhnen vwnzva vunz gungzhoj, hawj vunzlai gungzhoj doenghlig bonjfaenh ndaej daezswng, gyamaenh gij yaugoj vut gungz.

(Vuz Cencen/吴倩茜)



▲Hagseng cingq gwn “donqngaiz mbouj aeu cienz”.

Giyez Bae Bang Mbanj Hoj Simndei Hengzdoengh Hoenghhwd



▲Gien simndei yienhciengz.

Ndwen 5 ngoenz 24, Luzcai Yen banh aen hozdung giyez simndei banggungz, ngoenzhaenx, 46 aen giyez minzyingz gyoepsuenq gien cienz 161 fanh lai maenz bang laebndei gij giekdaej sezsih ndaw mbanj, bang ranzungzhoj laeb dangjan laeb gaj anceiq gvaq ndwenngoenz couhnieb, bang hagseng gungzhoj ok cienz hawj doegsaw daengj. Ciuq cam rox, aen yienh neix haujlai giyez simndei lai bi daej dingjmaenh yenveij dungjcanbu、yienh gunghsanghlenz cujeiz dazyinx haiguh aen hozdung “bak aen giyez bang bak aen mbanj”.

(Lai Genveih/赖建辉)